

忠雅堂詩鈔

中

柳田文庫

文庫11

D 198

2

25

20

15

10

文庫 11
D 198
2

忠雅堂詩鈔卷之中

清 鉛山 蔣士銓 心餘 著

日本 近江 琴希聲 廷調 檢閱

平安 平井翰 國楨 鈔錄

七言律詩

重九夜泊黃沙港

揀取鷗沙擊短舟，添衣來領晚風柔。
好山歷亂飛黃葉，殘夢分明記小樓。
水碓無人孤拜月，暮江如酒客悲秋。
挑燈偶作西崑詠，年少因何有旅愁。

寄尤溪令于靜專二首

中卷

抑田泉文庫

010190556005

千里遺書一鞭然蕭條全付行波箋勸農自愛民如子
辟穀誰知吏是仙菜甲花濃遮柴几燕泥香落打琴絃
青山一髮家園香夢落屏風九疊邊

蟻垤蛛帷自掃除黃紬被裏放衙初對牀雨止思鄉後
剪燭愁添夜話餘小院無人吟柳絮斜陽有僕荷鷓鴣
山城大抵名花少笑灌荒園一畝蔬

偶爾二首

江山迢遞雨兼晴夾岸無人記艣聲春樹作花皆偶爾
酒旗招我似平生古來城郭畫圖見腹內詩書正角橫
恰好收帆青壁展暫容相耦綠蓑耕

許借藤鞭叱犢行船頭洗脚一身輕已知繡壤今生缺
忽放金尊右手擎古木巢寬鴉對換晚汀沙暖鷺猶爭
不知何處堪濃睡耳畔刪除各種聲

黃沙港

喬木森森夕照收辟邪高卧晚山頭何時卿相一杯土
滿眼鶯花無數舟竹屋酒香人覓旆芳谿笛轉樹遮牛
遙知百里城中夜處處月明簾上鉤

田家小憩有作

笑捉犁鉏教子孫戲拋菽粟飯雞豚幾人春鬢白成雪
十里菜花黃到門間數年華同世外坐看雷雨出山根

也知不識城隅路，汲偏三條井纜痕。

山邨

滿地間雲十畝，桑茅茨宮觀互遮藏。一條古磴積黃葉，
三面小樓收夕陽。野客衣冠可圖畫，道人顏鬢各青蒼。
柴門齊掩鳥聲定，暝色半山鐘磬長。

登臺

米價人身貴賤乖，見聞拋卻自登臺。入林紅雨滿身落，
卷幔亂山當面來。茅屋隔溪皆突兀，飢鴻隨地欲悲哀。
救荒從古無奇策，還聽商量濟世才。

雨中戲答澹人次韻

不知蠛蠓能行雨，只有顛當為守關。寂處心同依密友，
閉門人各在深山。蝸方伸縮蘚苔上，蠹已死生文字間。
一任霉痕染衫袖，墨花狼籍不成斑。

再寄穀原

柳界荷鄉避暑多，南風千里遠來過。賣文可抵凶年粟，
買婢能牽老屋蘿。誰看星辰知主客，可憐詞賦動關河。
龍湫水與青谿笛，感舊其如往迹何。

將偕汪輦雲秀才城南僧舍銷暑別穀原二首

結束琴書擔尾斜，偶然放逸便為家。相逢夏日原當畏，
但覺勞生未有涯。水月寒銷塵海熱，露荷香散道場花。

淨名經是安心藥意蕊從今莫放芽
生天作佛想無多一去來今瞥眼過客是寒郊攜瘦鳥
身如古樹謝新蘿誦經頗似蜂鑽紙盼雨還占豕渡河
暫作清涼老居士打鐘掃地飲止何

七夕後一日穀原見訪僧寺二首

筍輿來趁藕灣斜無著天親本一家藏穴笑人同鳥鼠
離塵隨地是顛涯祇林小種文章樹法雨能開智惠花
顛得公身作金粟古香橫吐月中芽

天機雲錦展來多不許新霜點葉過未捧蓮臺翻吉貝
分明蟻國占檀蘿古來寂滅無如佛天上因緣已隔河
入社嫌他新釀缺攢眉其奈遠師何
不寐

一蒲團地去來今小案橫陳靜綠侵老樹鬪風憑勁氣
夜蟬嘶月抱愁心虛堂有客枕書卧賤子此時垂首吟
古佛下帷僧入定寂寥中有慧珠沈

百花洲坐雨有懷檜門先生用丁卯九月醮集百

花洲韻

從師載酒過林塘醉墨親題向短檣竟日共聽荷葉雨
三人分納水窻涼秋懷觸撥更番感叢桂遷延十度香
今日獨來湖上坐舊詩然否老僧藏

八月初八夜懷檜門先生闈中仍用百花洲燕集韻

白屋蕭間面野塘，絳紗迢遞隔危牆。新詩歡喜同思憶，舊地陰晴識暖涼。艾葉菱花看壁畫，掛輪蟾魄護衣香。秋香如水重關鎖，想見燈前一老藏。

熊丈滌齋席上分韻

當杯能使鬢霜消，且作遨頭折柬招。梅未作花知老嬾，菊還留葉慰蕭寥。交情古澹偏宜冷，酒政森嚴未許饒。同向詩翁求掌故，燈前閒與話三朝。

寄訊紅鶴主人二首

關心近況總傳聞，卻恠妝樓鴈影分。愁病可知深似海，情懷已是懶于雲。詩吟嶺海團香絮，字寫羅浮簇蝶裊。不信炎方飄泊慣，筭與重去趁斜曛。一例依人抱旅愁，尊罍或可解繁憂。挑燈看弟詩如錦，釋悶勞夫酒換裘。夢裏秋聲生藥鼎，客中寒色在蘆鉤。歸舫至竟如何買，不信飄蓬便合休。

病中讀鍾叔梧秀才碧溪詩

蘆烘藥氣燕辭幕，榴吐朱藤蜂放衙。別院尊前風日美，亂書堆裡枕衾斜。卧延新綠鳥聲喜，起踏落紅人眼花。何處傳來碧溪句，心蘇真似得黃芽。

常睡

鳥啄檐花鴨唼泥人多屋少笑鷄栖春雲過眼我常睡
朝日滿簾兒互啼書味細迴饒舌苦酒杯深遣病眸低
經旬謝卻當關客垂首空槽惜馬蹄

俗情

風箏落樹宿禽散餅卉弄香新蝶來百慮漸隨官況集
一名難謝俗情猜靜看虛空鑪煙直夢怯前山鳥道迴
待長捎雲數竿竹釣樓應許老夫開

生趣

閒居遣意病終日永晝共眠書半牀門外市聲宜衆耳

樹頭生趣媚朝光倦眼喜開新雨後深衣疑在古人旁
風鈴不語簾垂地起嗅餅花無限香

困雨戲作二首

重檐忽散千條練小院平添一斗泥穉子褰裳愁滅沒
家人裹足隔東西牆如壞堞留三版屋比荒田恃一堤
較可阻風船上坐碧油簾下少鳧鷖

熟梅天氣故鄉邗那及連朝濕霧屯車泛九衢塵似海
客來深巷水封門堂砌自具江湖勢屋漏都縣篆籀痕
夜火星星出窻戶小池涵泳破黃昏

雨中聞王琴德舍人至京眷屬同居禮堂學士宅

詩以東之

耐可_三身_三茶當酒看合歡花作紫荊交圖書鷄犬喜同姓
風雨鶴領來共巢曲牖安林宜美睡小鬟掃地要親教
鳳池仍用絲綸手聊與詩人續解嘲

送趙方白還南豐省母二首

歷落嶽寄一老翁長眉深目面如童偶然萬里作行脚
今欲九秋隨去鴻藥裏詩瓢驢負載世緣塵味酒消融
卅年看徧圍棋手都在山人覆局中

漢陰父息丈人機與物周旋本願違老愛讀書原好學
秋來懷母便言歸共看慈竹孝烏繞君有故廬山翠圍
七發安能起子疾只須常寄藥苗肥

述懷

久將泥絮比風情幻影空花雜想不到眼春雲何處止
閉門秋氣有時生才多畢竟歸才盡官薄終難望官成
飽食晏眠成坐廢幾人身後得高名

同年載匏齋禮部菜根書味圖

短籬如放夕陽晴篔水似鳴環珮聲誰煮雲腴澆舌本
笑摩空腹飽蒸羹文章禮樂當官夏邱壑詩書出世情
只恐拋荒荷鋤手蹇驢車上過平生

東南隣韋約軒舍人

隔院聲聞宛一家坐堪同席出同車經厨過訪應無間
人海因依即有涯撲棗未須防婦拾乞醯猶可倩童賒
春來喜送窻前草佳兆應生閣下麻

晴

朝曦艷艷漾簾波人意天光一樣和蟬響暗移嘉樹美
瓦鱗濃放濕煙多遙山滌翠鬢新沐積水涵虛鏡乍磨
便有官人強馳逐驢車門外沒泥渦

家人

窻檣曲尺午風徐掃地常教鏡面如老嫗曹騰聽詠歎
小鬟麤醜罷妝梳推秤尚戀全輸局挿架猶多未讀書

愁着嬌兒支病骨瘦妻唬眼最關渠

斗兒病劇

兒女情猶未盡忘辜惟忍着阿候瓦雪膚全減存山骨
唬眼微開避日光乳失經年糕作餽醫窮衆手藥堆囊
最憐病婦垂雙筋終夜竒擊繞曲房

略記

略記兒時病不勝可堪慈母耐凌兢鐙微夜怯釵蟲化
鑪冷衣懸淚雨冰力瘁劬勞衰故早老無甘旨累相仍
朝衫黧澹今為父只是無言枕曲肱

十八夜露坐東穀原

牀下魚生暑濕多，庭楸轉側洩雲過。待搜藥裏求山鞠，
剩有絺衣挂女蘿。習靜久同僧退院，凌虛難乞鵲填河。
鬢絲一樣刁騷甚，仕宦蕭然果若何。

舟中

戶牖玲瓏面面開，全家終日住樓臺。風亭月榭更番坐，
水態山容轉側來。岸柳斜侵虛幌鏡，汀花間撲晚筵杯。
旁人未識天隨宅，還擬乘槎問斗魁。

春雪

龍工試手剪霜毛，恰共春霖潤土膏。但入田疇滋黍稷，
莫歸江海助波濤。危峯暫失青千仞，洞渚旋添綠半篙。

欲敵新寒借邨酒，暮天空闊一漁舸。

默數

江氣夜浮空外白，蟬聲熱弄靜中喧。高名身後誰千古，
同輩年來半九原。花塢雲閑翔野鶴，藕塘香穩睡文鴛。
披衣起受清涼意，默數飛螢過短垣。

到家

蛛絲依約罨燈屏，寂寂春光草半庭。梅謝葉舒今歲綠，
苔深花疊去年青。癡僮病久沾葺硯，飢鼠糧空蝕舊經。
嚴檢交游名紙積，魚書稠疊感丁寧。

底事

底事中年引疾還清時官興敢全刪讀書心較求官急
許國身容戀母間本為無家拋梓里翻因乞食謝柴關
炎風朔雪天涯路凋盡江湖壯士顏

蘇隄

蘇公隄接白公隄界畫湖分內外畦閑柳大桃連錦樹
隨車寶馬趁香泥因興水利成佳勝每到公餘愛品題
日擁簿書憐俗吏江山風月罷招攜

湖上

湖波灩灩意融融人影分明古鏡中細草青圍裙帶綠
新荷枝亞酒杯紅水仙王廟依林轉羅刹江湖落手空

明日東游探禹穴無家真愧鑑湖翁

樓居

羣山落落如高士雙塔依依似故人畫意詩情開牖得
朝嵐夕靄卷簾新一樓居我多餘地萬卷教兒立此身
安得菟裘就空曠白頭將母奉晨昏

立秋感懷二首

若耶溪水尚氤氳蓮動風開浣女裙自擁琴書同入定
敢忘綦縞賦如雲愁隨夜雨添三尺淚苦池波長一分
自古竒文關至性登壇人亦故將軍

六時消受倚闌望圖畫天然禹會疆郡邑河橋界棋局

市樓窻戶疊蜂房，悲秋意逐羣聲沸。病暑身隨一雨涼，不用觀濤蘇痼疾。刀圭待覓越人方。

奉太安人赴會稽登舟有作二首

春江一艇載家行，夜雨兩枝柔艫聲。老屋但憑僮僕守，官程已報吏人迎。天涯芳草裊腰合，柳外桃花咲靨生。底事年年持襆被，掩書惆悵不勝情。

逐逐難同子養烏，栖栖猶賴母將雛。兒童路熟知官驛，鷗鷺身閑笑老夫。棊枕低昂天拍水，繡林消遣婦隨姑。浮家較比孤征好，尚有離心別夢無。

卽事

澹澹山容若母間，稜稜石骨似兒孱。風來竹有頽唐態，雨過花含窈窕顏。物理相尋書卷外，人家都落酒杯間。瘦妻薄鬢妝梳懶，不共煙螺比髻鬟。

夢游古寺作

潑黛峯齊展翠屏，諸天鐘定晝冥冥。冥求齋鷄散虛堂靜，行雨龍歸碧洞腥。客到咲尋磚堦字，僧閑偷誦石樓經。憑欄忽動觀河感，門外春流不暫停。

梅花詩和李薊林觀察韻

山眉水曲見孤根，何必羅浮指舊邨。春透已迴枯槁色，花成猶帶雪霜痕。斜枝自挺寒時骨，疎影休疑月下魂。

惆悵論交松竹後，怕隨桃李列公門。

撫州曉發

隔水鳴鷄報曉寒，五更塵夢未全安。煙中柔艫初辭岸，
渡口明星欲下灘。客思幾回縈望外，鐘聲一點在林端。
半帆風月千條柳，故國秋程取次看。

奉和道中夜泊

捩舵開頭換客程，郵籤終日報霜鉅。酒旗夜卷邨燈亂，
渙漿新縣冷月鳴。淺水無波人獨釣，孤篷如夢自長征。
黃雞白酒皆鄉味，書劍何緣動旅情。

落葉二首

零亂霜楓覆蘚痕，小簾風緊欲黃昏。隍深有鹿朝穿徑，
酒醒無人夜打門。夢入故宮尋古井，愁生野屋見孤邨。
一枝別後應難借，好向牆陰覓斷魂。

古道無人拾墮樵，啼鳥來往獨魂銷。一林冷月露山寺，
十里清霜生板橋。舊事幾添搖落感，離情不記短長條。
高樓試奏哀蟬曲，滿耳秋風咽玉簫。

寒山寺泊舟懷全碯南及進與同年

凍雲侵樹月模糊，角里街遙入夢孤。殘夜登臨雙不借，
故人兄弟小蘆鐘。沈塔火眠山犬木脫僧樓墮，老鳥
咫尺相思尋未得，數聲風笛起菰蒲。

陪檜門先生海淀踏青

軟紅塵土踏青心
韋杜城南許共尋
水陌花濃都似霧
綠楊風淺不成陰
香車寶馬郊原暖
碧瓦朱垣殿閣深
春色萬家天尺五
韶光真覺寸如金

秦淮書酒家壁

不見紅闌長板橋
秋光狼藉欲魂銷
斜陽在水愁孤燕
殘柳當門怨六朝
舊院瓦堆僧賣酒
丁家樓毀鬼吹簫
美人黃土鐙船散
金粉原來易寂寥

河口天池菴二首

隔江僧寺影如橋
喚渡聲浮綠半篙
間客自來漁艇入

童山中斷佛樓高
半規石骨神曾鑿
一旬寒泉月可撈
贏得魚龍潭底拜
五更殘月叫蒲牢

一兩芒鞋萬里行
少年蓬轉亦堪驚
名山別後都成夢
此地初來大有情
水檻鐙明留客坐
春田鳥過喚僧耕
他時名宦誰拋得
試問圓蒲作麼生

游章巖二首

巖頭虎踞壓虛楹
落葉招人細路生
破廟田荒僧乞米
摩崖碑古客書名
蒼苔一尺行蝸篆
石徑千盤度虎聲
尚有前賢詩滿壁
漏痕釵腳兩分明

黃昏燐火出荒邱
野鳥窺鐙坐佛頭
石勢欲吞臺殿入

雲根都到寺門收，人煙隔水群峯靜。林壑堆寒一味秋，
欲卧空巖看月影。暮山風峭不堪留。

遊孔山分得東字

養花天漾麥苗風，畫舫幽尋主客同。魚國路通皋埠外，
犬亭青在繞門東。綠波人影羣鷗亂，翠壁雷聲萬斧空。
一樣酒龍詩虎會，只爭紅袖凭烏篷。

風日

風日清和四月天，蒲帆一片破空懸。堤千芳草青時合，
邨向平林綠處圓。落絮幾團驚宿蝶，游絲千尺繫飛鷄。
卻教歸客添遠思，翹首東風一悵然。

乞畫竹東王德圃侍御並令弟詒堂

幾年拋擲籜皮冠，何處因依綠數竿。醫俗漫言燒笋易，
舞風真覺放梢難。花裁直木聊相慰，畫有斜枝便可看。
欲借新屏空翠色，小窻同我較清寒。

紀心齋侍御獨柳堂春讌分得聲字用杜樊川體
臘雪微銷草未萌，溶溶庭院月波橫。春袍暖共蘆衣卸，
笑靨歡隨酒暈生。鐙落檐花留客影，風迴鄰笛過牆聲。
尊前後日吟嘉樹，應念人插白下城。

消寒雜咏和王巖村太守十首

百八聲中夜氣寒，幾人新夢戀邯鄲。孤墳鬼拜燐光冷，

破廟僧眠佛火殘，醒後悟多身可化。心頭事集悔無端，
景陽別有妝成者。斜倚熏籠坐未安。寒鐘

危峯偃蹇似高人，落木中存入定身。點黛曾誇眉宛轉，
倚天今賸骨嶙峋。雨雲暫晦非無力，虎豹潛驅尚有神。
挂笏君休笑，拈筌山靈面目此時真。寒岫

雪滿峯腰細路危，墮樵何藉斧斤施。濕薪冰重難為束，
冷竈人飢正待炊。荷蕢行來霜滿擔，誦經歸去凍橫髭。
觀棊莫等終殘局，呵手愁他落子遲。寒樵

水落空江怒已平，靈昏更與朔風爭。波迴猛勢朝辭島，
雪卷餘威夜打城。車馬潛藏當歲暮，魚龍偃卧各心驚。

海門天澗銀山凍，僕病馬能聽此聲。寒潮

忍凍真憐舉網遲，游鱗不飽竟何之。牽來涸澤蛟常避，
曬向冰天雀轉疑。影幕頗黎千頃白，舟橫風雪一蓑披。
冬來可是澄潭暖，欲往濠梁問罟師。寒罟

葉葉蒲飛下上灘，檣烏瑟縮認驚湍。垂風且放從橫去，
帶雪真宜轉側看。打鼓迴時須便利，牽繩收處要平安。
推篷飽識冰霜苦，每念江湖行路難。寒帆

荒邨月冷吠聲振，深院鐙沈警夢頻。山鬼嘯時原可恠，
驚鳥閃處亦相嗔。緣慳未逐神仙去，氣猛難為盜賊馴。
可惜拈拈風雪裡，不辭惱亂暗中人。寒吠

雪擁柴門食芋魁，燒殘楮牘煤。負山中對畫，休說古
獄底重然亦死。灰獸炭誰家通夜炙，氈帷幾處怯風開。
冰心久未因人熱，不用綠袍戀戀來。寒鑪

黃獨苗，掃雪意賒。灌畦人愛晚菘，芽嚼來至味無如菜。
看到荒園可當花，卒歲瓜壺輸老圃。迎年酒肉讓豪家。
庾郎貪薄休相笑，猶有宮商在齒牙。寒蔬

風雪隨身一畝田，石交惟此伴寒壇。敲同古鐵，心源冷
試以層冰骨更堅。玉匣輕函凝黛，潘金鑪小炙潤松煙。
龍賓苦要冬烘守，彼此相磨二十年。寒硯

查恂叔太守招飲接葉亭看丁香分韻得眠字

那要滄浪十萬錢，花時觴詠繼前賢。虛廊靜得山林趣，
恠石欹如鶴鹿眠。種樹幾人成過客，看花半日比遊仙。
持盃醉問風流守，底事歸無宅與田。

曹騰都忘養花天，春色園林已爛然。昨夜痴尋槐莢夢，
今年歸作海棠顛。飲耽文字存餘韻，事若流傳感後賢。
試裂長緜寫巾袷，坐中還仗李龍眠。

六月十八日避暑湖上次兒子知廉韻

銀蟾略減二分圓，出郭荷花已蹶然。柳幔濕浮初日上，
露珠香定曉風前。一機雲錦舒綉半，十樣鸞箋染不全。
底用追尋河朔飲，此中應借酒為年。

出郭二首

出郭游船泛夕暉，滿湖燈火亂星歸。
北門鑲鑰三更下，南部煙花十月稀。
錦豎芳筵隨季改，酒家旗字隔年非。
官民仕女同酣醉，那識將軍夜合圍。
蝴蝶成圍燕子忙，燕支如雪柳絲長。
黃金像戲秋胡子，白壁人誇夜度娘。
織就蘆紋遮蓓蕾，生來荷葉蓋鴛鴦。
濃陰不斷樓臺接，還起迴風轉曲房。

湖上看芍藥

尺五樓西散曉霞，倚虹園內展繁葩。
錦雲貼地香成陣，翠幄黏天柳放衙。
芍藥此州原有譜，蜻蛉同坐可為家。

憐渠女織男耕處，插徧秧田看菜花。

曉泛城河至水香園觀荷

一水通城貫壁池，畫樓妝閣對參差。
穿槁蓬矮知潮長，拂帽花斜覺岸欹。
荷氣冷憑風醒睡，蟬聲清待露調飢。
添衣坐徧闌干曲，不借佳人雪藕絲。

佳日

是處笙歌有畫樓，紅鐙繡枕玉彫鏤。
浮生勞苦幾時滿，快意好風如是柔。
雨後春禽對言語，舟中估客各軒輿。
青山無數過額上，我卧讀書船自流。

悼三女孫

掌中珠失計真窮，揭鉢難勝鬼母工。舐犢牛，餵童牯，健
落巢鴉，恨伏鷓鴣。空一行棺掩苔茵，碧三朶花埋繡祿紅。
敢向高堂頰，慰藉我身已作病梧桐。

秋夜同張吟鄉秀才

場上魚龍任偃師，夢中胡蝶亦堪疑。春泥滯我輪生角，
秋杵驚人粟在肌。寒月乍明燈暗後，亂蛩爭語夜深時。
東隣熟睡西鄰醒，各樣情懷各自知。

七言排律

三絃曲

三條瘦玉雙銀甲，重撇輕挑看指法。左手依絃往復還，

如閃流星度空峽。細響將沈，每被揉雄聲欲放，頻遭壓。
彈指停時韻尚留，捺痕過處音猶押。受風斜掠燕喃喃，
坐柳交啼鶯恰恰。花片疑隨落葉飛，簾紋似有香絲納。
有時曝豆撒珠毬，白雨迸堦刀出匣。賢王夜臘萬躡歸，
大將朝馳千騎還。彈丸脫後月都圓，舞袂旋來波未乏。
絃戀聲歡玉笋開，聲偷絃勢春蔥指。管生年少擅此技，
每向燈筵並巾帕。竹聲襯配更和諧，鼓點相參不凌雜。
就中吳生好顏色，絕妙歌喉最調洽。醉人幽意酒三更，
移我問情春一霎。劉郎白髮逞風懷，此藥終年付銀蠟。
錦幔垂垂獲曲房，鶻鑪裊裊依琴榻。館名我願榜鷗波。

教寫疎篁掩清雪湘靈莫漫在蒼梧楚客分明宴巫峽
秦箏趙瑟雨茫茫顛枕三絃傍簾押

[Faint bleed-through text from the reverse side of the page, including characters like 湘靈, 楚客, 秦箏, 趙瑟, 雨茫茫, 顛枕, 三絃, 傍簾押]

